



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

14 նոյեմբերի 2018 թվականի №422Ա
քաղ. Երևան

**«ԴԻՍ ՓՐՈՓԵԼԹԻՍ» ԲԱՐԵԳՐԾԱԿԱՆ ՀԻՄՆԱԴՐԱՄԻՆ
ՌԱԴԻՈՀԱՃԱՆԱԿԱՆՈՒԹՅԱՆ ՕԳՏԱԳՈՐԾՄԱՆ ԹՈՒՅԼՏՎՈՒԹՅՈՒՆ
ՏՐԱՄԱԴՐԵԼՈՒ ՄԱՍԻՆ**

Հիմք ընդունելով «Էլեկտրոնային հաղորդակցության մասին» Հայաստանի Հանրապետության օրենքի 5-րդ հոդվածի 1-ին մասի 2-րդ կետի «ժդ» ենթակետը, 3-րդ կետը, 10-րդ, 17-րդ, 17.1 հոդվածները, Հայաստանի Հանրապետության հանրային ծառայությունները կարգավորող հանձնաժողովի 2011 թվականի ապրիլի 13-ի №169Ն որոշումը և հաշվի առնելով «ԴԻՍ ՓՐՈՓԵԼԹԻՍ» բարեգործական հիմնադրամի 2018 թվականի նոյեմբերի 1-ի հայտը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Բավարարել «ԴԻՍ ՓՐՈՓԵԼԹԻՍ» բարեգործական հիմնադրամի հայտը և Տավուշի մարզի Դիլիջան քաղաքում շարժական ռադիոկապի ցանցի կազմակերպման համար տրամադրել 151.950ՄՀգ հաղորդման/ընդունման ռադիոհաճախականության օգտագործման թույլտվություն՝ 10 տարի գործողության ժամկետով:
2. Հաստատել «ԴԻՍ ՓՐՈՓԵԼԹԻՍ» բարեգործական հիմնադրամին Տավուշի մարզի Դիլիջան քաղաքում շարժական ռադիոկապի ցանցի կազմակերպման համար տրամադրվող 151.950ՄՀգ հաղորդման/ընդունման ռադիոհաճախականության օգտագործման թույլտվության պայմանները՝ համաձայն հավելվածի:
3. «ԴԻՍ ՓՐՈՓԵԼԹԻՍ» բարեգործական հիմնադրամին՝ սույն որոշումն ընդունվելուց հետո 10 աշխատանքային օրվա ընթացքում №900005330213 հաշվեհամարով Հայաստանի Հանրապետության պետական բյուջե վճարել

սույն որոշման 1-ին կետում նշված թույլտվության տրամադրման վճարի 99 տոկոսը:

4. Սույն որոշումն ուժի մեջ է մտնում 2018 թվականի նոյեմբերի 15-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀԻ ՏԵՂԱԿԱՆ**



Մ.ՍԱՂԱՍՈՆՅԱՆ

ք.Երևան
14 նոյեմբերի 2018թ.